

NĚČEMU ZADŽĚWAĆ_{ip}

čo. 27

- a) z něčim započec, so do něčeho dać
- b) so přećiwu něčemu wobarać, zwoprawdźenje něčeho haćić a mylić
- c) so cyle do něčeho zanurić, so do džěła poklaknyć

Prawa je wotmołwa **b**.

Jeli chcemy něčemu zadžěwać spytamy wšo, zo njeby so to stało abo zwoprawdźiło. Spřećiwjamy so něčemu. Móže to być wójna, kotrejž politikarjo zadžěwaja, abo škitne naprawy, z kotrymiž zadžěwamy njezbožu. Tohorunja móžemy z wotewrjenej rozmołwu zwadže zadžěwać.

Takle móžeš to tež prajić:

něčemu/někomu wobarać_{ip}, někoho/něšto zadžeržeć_p/zadžeržować_{ip}, so zakitować_{ip}, so před něčim/někim škitać_{ip}

Kedźbu!

Podobnej słowje, a tola cyle hinaši woznam:

- Někoho zadžělać woznamjenja, zo jemu jeho nowe nadawki pokazamy a rozjasnimy.
- Woheń zadžělać woznamjenja, drjewo, hałuzu abo papjeru z pomocu zapalaka zapalić.

Příklady z rěčneho korpusa:

Nichtó *tomu zadžěwać* njemóžeše, zo so dachmy do rozmołwy z nimi, nic jenož jednotliwcy, kiž trochu rusce rozumjachmy, ale wšitcy – kóždy po swojim wašnju. (Jan Cyž: Hdyž so młody na puć podaš. Budyšin 1983)

Tuž měješe wobsedzer nětko nadawk, móžnym njezbožam *zadžěwać*, a je so za dospołne spotorhanje rozsudził. (Serbske Nowiny 2006, julij-september)